

**গণপ্রজাতন্ত্রী বাংলাদেশ সরকার**  
**তথ্য অধিদফতর**  
**বাংলাদেশ সচিবালয়**  
**ঢাকা**

**সংবাদ গতিধারা**

জাতীয় দৈনিকসমূহে প্রকাশিত সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

**সংখ্যা : ৫২/২০১৭-১৮**

ঢাকা, সোমবার ১৮ সেপ্টেম্বর ২০১৭, ৩ আশ্বিন ১৪২৪

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে :

- ১। জাতিসংঘের সাধারণ অধিবেশনে যোগ দিতে নিউইয়র্কে পৌছেছেন প্রধানমন্ত্রী
- ২। রোহিঙ্গাদের নিজ দেশে ফেরত পাঠানোই একমাত্র সমাধান  
: বাংলাদেশে জাতিসংঘের আবাসিক প্রতিনিধি
- ৩। রোহিঙ্গাদের আশ্রয় দেওয়ায় বাংলাদেশের প্রশংসায় কমনওয়েলথ
- ৪। রেলের অবকাঠামো উন্নয়নে যুক্তরাজ্য সহযোগিতা করতে আগ্রহী : রঞ্জনারা আলী  
রোহিঙ্গাদের আশ্রয় দেওয়ায় বাংলাদেশের প্রশংসা
- ৫। চালের অবৈধ মজুত ঠেকাতে দেশজুড়ে অভিযান চালানো হবে : বাণিজ্যমন্ত্রী
- ৬। দুর্গাপূজায় রাত ৮টার মধ্যে প্রতিমা বিসর্জন, মেলা নিষিদ্ধ : স্বরাষ্ট্রমন্ত্রী
- ৭। ওয়াই-ফাই প্রকল্পে ৩০ হাজার নারী উদ্যোক্তাকে প্রশিক্ষণ দেওয়া হবে  
: তথ্যপ্রযুক্তি প্রতিমন্ত্রী
- ৮। ইন্টারন্যাশনাল ফেস্টিভ্যাল অভ হারমোনির আয়োজন পর্যালোচনায়  
সংস্কৃতিমন্ত্রীর মহাস্থানগড় পরিদর্শন
- ৯। মোটা চাল ছেঁটে মিনিকেট, মিনিকেট নামে কোনো ধান নেই  
: বিআইডিএসের গবেষণা প্রতিবেদন প্রকাশ
- ১০। টেকসই উন্নয়নের লক্ষ্যমাত্রা অর্জনে বাংলাদেশ সঠিক পথে রয়েছে : টিআইবি
- ১১। সমুদ্রবন্দরে ৩ নম্বর স্থানীয় সর্তর্ক সংকেত

১। জাতিসংঘের সাধারণ অধিবেশনে যোগ দিতে নিউইয়র্কে পৌছেছেন প্রধানমন্ত্রী

প্রধানমন্ত্রী শেখ হাসিনা সংযুক্ত আরব আমিরাতের রাজধানী আবুধাবিতে যাত্রাবিরতির পর গতকাল (১৭ সেপ্টেম্বর রোববার) নিউইয়র্কে পৌছেছেন। জাতিসংঘের ৭২তম সাধারণ অধিবেশনে যোগ দিতে তাঁর এই সফর। তিনি সেখানে আগামী ২১ সেপ্টেম্বর বৃহস্পতিবার মায়ানমারের রোহিঙ্গা সংকটের মূল কারণগুলো তুলে ধরে তা নিরসনে বাংলাদেশের প্রত্তাব বিশ্বনেতাদের সামনে তুলে ধরবেন। প্রধানমন্ত্রীকে বহনকারী ইতিহাদের ফ্লাইটটি গতকাল স্থানীয় সময় বিকেলে জন এফ কেনেডি আন্তর্জাতিক বিমানবন্দরে অবতরণ করে। বিমানবন্দরে প্রধানমন্ত্রীকে স্বাগত জানান যুক্তরাষ্ট্রে বাংলাদেশের রাষ্ট্রদূত এম জিয়াউদ্দিন ও জাতিসংঘে বাংলাদেশের স্থায়ী প্রতিনিধি মাসুদ বিন মোমেন। সূত্র-সমকাল (পৃ.১,ক.৪) ইতেফাক (পৃ.১,ক.৮), ইভিপেনডেন্ট (পৃ.২,ক.১), ডেইলি স্টার (শেষ পৃ.,ক.৮)।

২। রোহিঙ্গাদের নিজ দেশে ফেরত পাঠানোই একমাত্র সমাধান

: বাংলাদেশে জাতিসংঘের আবাসিক প্রতিনিধি

রোহিঙ্গাদের মায়ানমারে ফেরত পাঠানোই একমাত্র সমাধান। জাতিসংঘ সাধারণ পরিষদের অধিবেশনের আলোচনায়ও রোহিঙ্গা সংকটই প্রাধান্য পাবে। গতকাল (১৭ সেপ্টেম্বর রোববার) পররাষ্ট্র মন্ত্রণালয়ে প্রতিমন্ত্রী শাহরিয়ার আলমের সঙ্গে বৈঠকশেষে ঢাকায় নিযুক্ত জাতিসংঘের আবাসিক প্রতিনিধি রবার্ট ওয়াটকিঙ্স সাংবাদিকদের এসব তথ্য জানিয়েছেন। এসময় পররাষ্ট্র প্রতিমন্ত্রী বলেন, জাতিসংঘের চলতি অধিবেশনের মধ্য দিয়ে রোহিঙ্গা সংকট সমাধানে সিদ্ধান্ত আসবে বলে আশা করা হচ্ছে। রবার্ট ওয়াটকিঙ্স বলেন, পররাষ্ট্র প্রতিমন্ত্রীর সঙ্গে বৈঠকে রোহিঙ্গা ইস্যু নিয়ে বিস্তারিত আলোচনা হয়েছে। তাণের জন্য জাতিসংঘের পক্ষ থেকে আন্তর্জাতিক সহায়তা চাওয়া হয়েছে। নতুন করে যারা বাংলাদেশে এসেছে, শুধু তাদের জন্য নয়, বরং আরও আগে থেকে যারা আছেন, তাদের সহায়তা দেওয়ার বিষয় নিয়েও ভাবতে হবে। সূত্র-সমকাল (পৃ.৫,ক.২), জনকর্ত্ত (পৃ.১,ক.২), যুগান্তর (শেষ পৃ.,ক.৫), ডেইলি সান (শেষ পৃ.,ক.৮)।

৩। রোহিঙ্গাদের আশ্রয় দেওয়ায় বাংলাদেশের প্রশংসায় কমনওয়েলথ

মায়ানমার থেকে পালিয়ে আসা লাখো রোহিঙ্গাকে নিজেদের ভূখণ্ডে আশ্রয় দেওয়ায় কমনওয়েলথের মহাসচিব প্যাট্রিসিয়া স্কটল্যান্ড বাংলাদেশ সরকারের প্রশংসা করেছেন। গত ১৬ সেপ্টেম্বর শনিবার তিনি এক বিবৃতিতে বলেন, নিজ বাড়িয়ার ছেড়ে পালানো ছাড়া যাদের কোনো উপায় ছিল না, বাংলাদেশ তাদের জন্য সীমান্ত খুলে দেওয়ায় আমি উৎসাহিত। তিনি বলেন, রোহিঙ্গা জানিয়েছেন, মায়ানমারে সরকারি বাহিনীর নিপীড়নের হাত থেকে রক্ষা পাওয়ার জন্য তারা বাড়িয়ার ছেড়ে পালাচ্ছেন। তিনি বলেন, জরুরি ভিত্তিতে রোহিঙ্গাদের খাবার, আশ্রয় ও পোশাকসহ মৌলিক চাহিদাগুলো পূরণের মাধ্যমে বাংলাদেশ সরকার ও জনগণ কমনওয়েলথের সুনাম অক্ষুণ্ণ রাখছেন। লাখো রোহিঙ্গার এই সংকটপূর্ণ মুহূর্তে এই সহায়তাগুলো অত্যন্ত প্রয়োজন। রোহিঙ্গাদের মানবিক সহায়তা করা কমনওয়েলথ চুক্তির শর্তাবলির সঙ্গে সঙ্গতিপূর্ণ। সূত্র-জনকর্ত্ত (পৃ.১,ক.৮), ইভিপেনডেন্ট (শেষ পৃ.,ক.৭), ডেইলি সান (পৃ.৩,ক.১)।

৪। রেলের অবকাঠামো উন্নয়নে যুক্তরাজ্য সহযোগিতা করতে আগ্রহী : রুশনারা আলী

রোহিঙ্গাদের আশ্রয় দেওয়ায় বাংলাদেশের প্রশংসা

ব্রিটিশ প্রধানমন্ত্রীর বাণিজ্যিক রাশনারা আলী বলেছেন, বাংলাদেশ রেলওয়ের অবকাঠামো উন্নয়নে যুক্তরাজ্যের রেলওয়ে কোম্পানিগুলো সহযোগিতা করতে আগ্রহী। তিনি আরও জানান, বাংলাদেশে যুক্তরাজ্যের রফতানি অর্থায়ন এখন ১৫০ মিলিয়ন পাউন্ড থেকে বেড়ে ৬২৫ মিলিয়নে পৌছেছে। গতকাল (১৭ সেপ্টেম্বর রোববার) পররাষ্ট্র মন্ত্রণালয়ে পররাষ্ট্র প্রতিমন্ত্রী শাহরিয়ার আলমের সঙ্গে রুশনারা আলীর নেতৃত্বে যুক্তরাজ্যের একটি প্রতিনিধিদল বৈঠক করে। বৈঠকশেষে রুশনারা আলী সাংবাদিকদের এসব কথা বলেন।

রুশনারা আলী আরো বলেন, সংখ্যালঘু রোহিঙ্গা সম্প্রদায়কে বাংলাদেশে আশ্রয় ও বেসরকারি সংস্থাসমূহকে প্রবেশ করতে দিয়ে বাংলাদেশ নেতৃত্ব সাফল্য অর্জন করেছে। মায়ানমারের রাখাইন রাজ্য

সংখ্যালঘু রোহিঙ্গাদের বিরুদ্ধে মায়ানমার সশস্ত্র বাহিনীর সহিংসতার কারণে স্ট্র মানবিক সংকটের কথা তুলে ধরে রুশনারা আলী বলেন, সংখ্যালঘু জাতিসভার জনগণের ওপর মায়ানমার সরকারের এ আচরণ

=৩=

কোনোভাবেই গ্রহণযোগ্য নয়। এ প্রেক্ষাপটে যুক্তরাজ্য থেকে অবশ্যই বাংলাদেশে সাহায্য ও বিনিয়োগ বৃদ্ধি পাবে বলে তিনি আশ্বাস দেন। সূত্র-জনকর্ত্ত (পৃ.১,ক.১), ইনকিলাব (শেষ পৃ.,ক.৫), ইভিপেনডেন্ট (শেষ পৃ.,ক.৭), ডেইলি সান (পৃ.১,ক.৮)।

#### ৫। চালের অবৈধ মজুত ঠেকাতে দেশজুড়ে অভিযান চালানো হবে : বাণিজ্যমন্ত্রী

গতকাল (১৭ সেপ্টেম্বর রোববার) সচিবালয়ে বাংলাদেশ অটোরাইস মিল ওনার্স অ্যাসোসিয়েশনের নেতাদের সঙ্গে বৈঠকশেষে সাংবাদিকদের বাণিজ্যমন্ত্রী তোফায়েল আহমেদ বলেন, অবৈধ মজুতদারদের ধরতে সব চালের গুদামে অভিযান চালানো হবে। অতিরিক্ত মজুত রাখলে মিল মালিকদের বিরুদ্ধে কঠোর ব্যবস্থা নেওয়া হবে। তারা সিভিকেট করে বাজারে চাল সংকট গুজব ছড়িয়েছে। তিনি সংশ্লিষ্ট জেলার ডিসি-এসপিদের এ ব্যাপারে নির্দেশনা দেন। বৈঠকে খাদ্যমন্ত্রী অ্যাডভোকেট কামরুল ইসলাম উপস্থিত ছিলেন। সূত্র-ইত্তেফাক (পৃ.১,ক.৬), জনকর্ত্ত (পৃ.১,ক.২), ডেইলি সান (পৃ.১,ক.৬), নিউজ টুডে (পৃ.১,ক.১)।

#### ৬। দুর্গাপূজায় রাত ৮টার মধ্যে প্রতিমা বিসর্জন, মেলা নিষিদ্ধ : স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খান কামাল বলেছেন, আসন্ন দুর্গাপূজায় রাত ৮টার মধ্যে প্রতিমা বিসর্জন শেষ করতে হবে। নিরাপত্তার কারণে মণ্ডপের আশপাশে বা রাস্তায় কোনো মেলা বসানো যাবে না। এ বছর সারাদেশে পূজামণ্ডপগুলোতে এক লাখ ৬৮ হাজার পুলিশসহ আইনশৃঙ্খলা বাহিনীর সদস্যদের সঙ্গে আনসার সদস্যও মোতায়েন থাকবে। গতকাল (১৭ সেপ্টেম্বর রোববার) স্বরাষ্ট্র মন্ত্রণালয়ে শারদীয় দুর্গোৎসবে আইনশৃঙ্খলা প্রস্তিসংক্রান্ত বৈঠকের পর সাংবাদিকদের তিনি এ কথা বলেন। সূত্র-সমকাল (পৃ.৩,ক.৫), ইত্তেফাক (পৃ.৩,ক.১), ইভিপেনডেন্ট (পৃ.৩,ক.১), ডেইলি সান (পৃ.২,ক.৬)।

#### ৭। ওয়াই-ফাই প্রকল্পে ৩০ হাজার নারী উদ্যোক্তাকে প্রশিক্ষণ দেওয়া হবে : তথ্যপ্রযুক্তি প্রতিমন্ত্রী

তথ্যপ্রযুক্তি বিভাগ ৩০ হাজার নারী উদ্যোক্তাকে ‘উইমেন অ্যাভ আইসিটি ফ্রন্টিয়ার ইনশিয়েচিভ’ (ওয়াই-ফাই) প্রকল্পের আওতায় প্রশিক্ষণ পেয়ে ২০১৮ সালের মধ্যে দক্ষ মানবসম্পদ হিসেবে তথ্যপ্রযুক্তি খাতে অবদান রাখতে পারবেন। বাংলাদেশ কম্পিউটার কাউন্সিল (বিসিসি) ও লিভারেজিং আইসিটি ফর গ্রোথ, এমপ্লায়মেন্ট অ্যাভ গভর্নেন্স (এলআইসিটি) এ কর্মসূচি বাস্তবায়ন করবে। এ বিষয়ে তথ্যপ্রযুক্তি প্রতিমন্ত্রী জুনাইদ আহমেদ পলক বলেন, ওয়াই-ফাই প্রকল্পের মাধ্যমে নারীর ক্ষমতায়ন ও জীবনের সব ক্ষেত্রে তথ্যপ্রযুক্তির ব্যবহারের লক্ষ্যে কাজ করা হচ্ছে। টেকসই উন্নয়ন লক্ষ্যমাত্রা অর্জনে তথ্যপ্রযুক্তি গুরুত্বপূর্ণ ভূমিকা রাখবে। ইতোমধ্যে ইউনিয়ন পর্যায়ে ২০ হাজার নারীকে ফ্রিল্যাসিং প্রশিক্ষণ প্রদান করা হয়েছে। সূত্র-জনকর্ত্ত (শেষ পৃ.,ক.৭)।

#### ৮। ইন্টারন্যাশনাল ফেস্টিভ্যাল অভ হারমোনির আয়োজন পর্যালোচনায়

##### সংস্কৃতিমন্ত্রীর মহাস্থানগড় পরিদর্শন

এবছর ডিসেম্বরে বগুড়ার মহাস্থানগড়ে অনুষ্ঠিতব্য ইন্টারন্যাশনাল ফেস্টিভ্যাল অভ হারমোনির (আইএফএইচ) স্থান নির্বাচন এবং আয়োজনের প্রস্তুতি ও ব্যবস্থাপনার দিক নির্দেশনা দিতে সংস্কৃতিমন্ত্রী আসাদুজ্জামান নূর গতকাল (১৭ সেপ্টেম্বর রোববার) সকালে বগুড়ার মহাস্থানগড় পরিদর্শন করেন। এ সময় মন্ত্রী বলেন, এই আয়োজন বিশ্বের দেশগুলোর সঙ্গে বাংলাদেশের সাংস্কৃতিক মেলবন্ধন আরও সুদৃঢ় করবে। প্রধানমন্ত্রী শেখ হাসিনার আগ্রহেই এ বড় অনুষ্ঠান বগুড়ার মহাস্থানগড়ে অনুষ্ঠিত হচ্ছে। সূত্র-জনকর্ত্ত (শেষ পৃ.,ক.৩), প্রথম আলো (পৃ.১৬,ক.৪), ডেইলি সান (পৃ.১৩,ক.১)।

#### ৯। মোটা চাল ছেঁটে মিনিকেট, মিনিকেট নামে কোনো ধান নেই

##### : বিআইডিএসের গবেষণা প্রতিবেদন প্রকাশ

দেশে-বিদেশে মিনিকেট নামের কোনো ধান নেই। বাজারে এ নামে রং-বেরঙের নানা বস্তাবন্দি যে চাল পাওয়া যায় তা আসলে সাধারণ এবং কোনো কোনো ক্ষেত্রে নিম্নমানের মোট চাল মেশিনে ছেঁটে সরু করা। আর বিষয়টি এবার প্রমাণিত হয়েছে বাংলাদেশ ইনসিটিউট অব ডেভেলপমেন্ট স্টাডিজের (বিআইডিএস) গবেষণায়। মোটা চাল ছেঁটে সরু এবং রাসায়নিকের মাধ্যমে চকচকে করায় কথিত ‘মিনিকেট’ চালে স্বাভাবিক খাদ্যমান ও

পুষ্টিগুণও থাকে না। মিনিকেট চাল নিয়ে বিআইডিএসের গবেষণায় এই ফলাফল গতকাল (১৭ সেপ্টেম্বর রোববার) তুলে ধরা হয় পরিকল্পনা মন্ত্রণালয় সম্পর্কিত সংসদীয় স্থায়ী কমিটি'র বৈঠকে। সংসদ ভবনে অনুষ্ঠিত এই বৈঠকে বিষয়টি নিয়ে বিস্তারিত আলোচনা শেষে গবেষণালক্ষ ফলাফলটি বিভিন্ন মন্ত্রণালয়ের মাধ্যমে ব্যাপক প্রচার করে জনসচেতনতা সৃষ্টির পরামর্শ দিয়েছে সংসদীয় কমিটি। সূত্র-ইত্তেফাক (শেষ পৃ.ক.৬), জনকর্ত (পৃ.১,ক.৫), ডেইলি সান (শেষ পৃ.,ক.২), নিউ নেশন (পৃ.৩,ক.৬)।

#### ১০। টেকসই উন্নয়নের লক্ষ্যমাত্রা অর্জনে বাংলাদেশ সঠিক পথে রয়েছে : টিআইবি

টেকসই উন্নয়ন লক্ষ্যমাত্রা অর্জনের লক্ষ্য আইনি, নীতি ও প্রাতিষ্ঠানিক কাঠামোগত দিক থেকে বাংলাদেশ সঠিক পথেই রয়েছে বলে মনে করে ট্রাস্পারেন্সি ইন্টারন্যাশনাল বাংলাদেশে (টিআইবি)। টিআইবি মনে করে, অন্যান্য দেশের তুলনায় তথ্যে উল্লেখযোগ্য পর্যায়ে প্রবেশাধিকার দিয়েছে বাংলাদেশ। এক্ষেত্রে তথ্য অধিকার আইন-২০০৯ প্রণয়ন, তথ্য কমিশন গঠন ও আইনের প্রয়োগকে সন্তোষজনক বলে উল্লেখ করেছে এই সংস্থাটি। পাশাপাশি, দুর্নীতি দমন কমিশন (দুর্দক) ও জাতীয় মানবাধিকার কমিশনের কার্যক্রমকে ইতিবাচক হিসেবে উল্লেখ করেছে টিআইবি। গতকাল (১৭ সেপ্টেম্বর রোববার) রাজধানীর ধানমন্ডির মাইডাস সেন্টারে টিআইবি কার্যালয়ে আয়োজিত 'টেকসই উন্নয়ন অভীষ্ট ১৬ : দুর্নীতি প্রতিরোধ ও সুশাসনসংশ্লিষ্ট লক্ষ্যের ওপর বাংলাদেশের প্রস্তুতি, বাস্তবতা ও বাংলাদেশের চ্যালেঞ্জ' শীর্ষক গবেষণা প্রতিবেদন প্রকাশ অনুষ্ঠানে এ কথা জানানো হয়। সূত্র-সংবাদ (শেষ পৃ.,ক.৬), নিউজ টুডে (পৃ.১,ক.৬), ফিনানশিয়াল এক্সপ্রেস (পৃ.১,ক.৬)।

#### ১১। সমুদ্রবন্দরে ৩ নম্বর স্থানীয় সর্তর্ক সংকেত

উত্তর বঙ্গোপসাগর এলাকায় গভীর সপ্তগ্রামশীল মেঘমালা তৈরি হচ্ছে। উত্তর বঙ্গোপসাগর, বাংলাদেশের উপকূলীয় এলাকা এবং সমুদ্রবন্দরগুলোর ওপর দিয়ে ঝড়ে হাওয়া বয়ে যেতে পারে। আবহাওয়া অধিদণ্ডের গতকাল (১৭ সেপ্টেম্বর রোববার) এ কথা জানায়। চট্টগ্রাম, কক্সবাজার, মংলা ও পায়রা সমুদ্রবন্দরকে ৩ নম্বর স্থানীয় সর্তর্কসংকেত দেখিয়ে যেতে বলা হয়েছে। উত্তর বঙ্গোপসাগরে অবস্থানরত মাছ ধরার নৌকা ও ট্রলারগুলোকে পরবর্তী নির্দেশ না দেওয়া পর্যন্ত উপকূলের কাছাকাছি এসে সাবধানে চলাচল করতে বলা হয়েছে। সূত্র-সমকাল (পৃ.৪,ক.১), জনকর্ত (পৃ.১,ক.৮)।

#### সম্পাদকীয়

- ক. ইত্তেফাক : লঙ্ঘন ইকোনমিস্ট ইন্টেলিজেন্স ইউনিটের তথ্য মতে, বাংলাদেশে প্রতি ১০০ স্নাতক ডিগ্রিধারী তরুণতরুণীর মধ্যে ৪৭ জনই বেকার হওয়ার খবরে উল্লেখ প্রকাশ করে এ সমস্যা নিরসনে কর্মসংস্থানের জন্য শিল্পায়ন ও দেশি-বিদেশি বিনিয়োগের সুস্থ পরিবেশ নিশ্চিত করার ওপর গুরুত্বারোপ।
- খ. সংবাদ, যুগান্তর, যায়ব্যায়দিন, ডেইলি স্টার : এক সপ্তাহে চালের দাম কেজি প্রতি ৯-১০ টাকা বেড়েছে উল্লেখ করে ক্রমাগত দাম বেড়ে চলা চালের দাম নিয়ন্ত্রণে কঠোর ব্যবস্থা নেওয়ার সুপারিশ।
- গ. ভোরের কাগজ : মায়ানমারের রাখাইন রাজ্যে সাম্প্রতিক দমন-পীড়নের মুখে সীমান্ত অতিক্রম করে জীবন বাঁচাতে পালিয়ে আসা রোহিঙ্গার কক্সবাজারের টেকনাফ, উখিয়া হয়ে ছড়িয়ে পড়ে সারাদেশে উল্লেখ করে রোহিঙ্গাদের ছড়িয়ে পড়া ঠেকাতে কঠোর ব্যবস্থা নেওয়ার ওপর গুরুত্বারোপ।
- ঘ. যায়ব্যায়দিন : দেশ ও জাতির জন্য গুরুত্বপূর্ণ ভূমিকা রাখতে শিক্ষার্থীদের স্কুল পর্যায় থেকে সংস্কৃতি চর্চার আহ্বান।
- ঙ. প্রথম আলো : টাঙ্গাইল-ময়মনসিংহ সড়কের মধ্যপুর বনাধুলের নয় কিলোমিটার সড়ক অপরাধীদের স্বর্গরাজ্যে পরিণত হওয়ার খবর উল্লেখ করে অপরাধীদের ধরতে প্রয়োজনীয় ব্যবস্থা নেওয়ার সুপারিশ।
- চ. নিউজ টুডে : হাজারীবাগ হতে ট্যানারিশিল সাভারে স্থানান্তরিত হওয়ায় ট্যানারির বর্জে ধলেশ্বরী নদী দূষণের ঝুঁকিতে পড়ে উল্লেখ করে দূষণ রোধে প্রয়োজনীয় ব্যবস্থা নেওয়ার ওপর গুরুত্বারোপ।
- ছ. ইন্ডিপেন্ডেন্ট : রাজধানী উন্নয়ন কর্তৃপক্ষের (রাজউক) ভেতরে কর্মকর্তা-কর্মচারীদের মধ্যে নানা অনিয়ম, দুর্নীতি বন্ধে কঠোর পদক্ষেপ নেওয়ার সুপারিশ করে সম্পাদকীয় প্রকাশ।

#### উপসম্পাদকীয়

যুগান্তর পত্রিকায় প্রকাশিত কলামে উল্লেখ করা হয়েছে, গণতান্ত্রিক রাজনীতির ভাষা সংযত ও শালীন হতে হবে।

### নিবন্ধ ও ফিচার

ইত্তেফাক পত্রিকায় প্রকাশিত ‘নারী উদ্যোগ এবং যুব সমাজ’ শিরোনামের নিবন্ধে অভিযন্ত প্রকাশ করা হয়েছে, আমাদের মেধাবী যুবসমাজ যদি নারীদের পাশে জেরালোভাবে দাঁড়ায় তাহলে সফল নারী উদ্যোগ খুব সহজেই তৈরি হবে।

#

ফাহিমা/মরজিনা/সাইদা/রশীদ/তানিয়া/২০১৭/৯.০০ ঘণ্টা